

3091

271

4-21

1907

2010

2001

ԿԱՆՈՆ

ՄԻԱԲԱՆԱԿԱՆ ՈՒԽՏԻՆ

ԱՌԱՔԵԼԱԿԱՆ ԱԹՈՂՈՑ

ՄՐԳՈՅ ՅԱԿՈՎՐԵԱՆՑ

Ի ՍՈՒՐԲ ԵՐՈՒՍԱԼԵՄ



ՏՊԱԳՐԵԱԼ

Ի ՎԱՆՍ ՄՐԳՈՅ ՅԱԿՈՎՐԵԱՆՑ

271
4-21

ԿԱՆՈՆ

ՄԻԱԲԱՆԱԿԱՆ ՈՒԽՏԻՆ

Ա. Ռ. Ա. Ք. Ե. Հ. Ա. Կ. Ա. Ն. Ա. Թ. Ա. Ռ. Ա. Յ.

ՄՐԲՈՑ ՅԱԿՈՎԲԵԱՆՑ

Ի ՍՈՒՐԲ ԵՐՈՒՍԱՂԵՑ

(1907)

ԳԼՈՒԽ Ա.

ԿՈԶՄՈՒԹԻՒՆ ՄԻԱԲԱՆՈՒԹԵԱՆ

Յօդուած 1. -	ՄՐԲՈՑ ՅԱԿՈՎԲԵԱՆՑ Միաբանութիւնը կը կազմուի Սրբոց Յակովեանց Առաքելական Աթոռոյ Գահակալ Պատրիարքէն, որ Գլուխ է Միաբանութեան, և հետեւեալ կարգերէն, որք են՝
Եպիսկոպոսք	Թուով 5
Վարդապետք	» 40
Սարկաւագք	» 12
Դպիրք	» 12
Ժառանգաւոր աշակերտք	» 30
Քրծազդեաց եղբարք	» 80
Մայրապետ քորք	» 30

Ա. ՀՆԴՈՒՆԵԼՈՒԹԻՒՆ ՅԱՆԴԱՄԱԿՑՈՒԹԻՒՆ

Յօդ. 2. - Սրբոց Յակովլեանց Միաբանութեան անդամ ընդունուելու փափագող անձն պէտք է գրաւոր խնդիր մատուցանէ Ս. Պատրիարքին, Ներփակելով իրեն Ակրտութեան եւ պատուաստի վկայականները: Ընդունելութեան պայմաններն են. 1., Առողջ ըլլալ մարմնով. 2., 16էն մինչեւ 18 տարեկան՝ եթէ ժառանգաւորաց Վարժարանի աշակերտութեան կուզէ մտնել Ներկայացողը. 18էն մինչեւ 40 տարեկան՝ եթէ Քըրածաղգեցից կարգ ընդունուիլ կը փափագի. և 30էն մինչեւ 40. եթէ մայրապետ է. 3., բարեբարոյ վկայեալ և 4., Միաբանութեան մէջ ու և է գործով մը Ս. Աթոռոյ ծառայելու կարող և պատրաստական ըլլալ:

Յօդ · Յ · - Երկրորդ յօդուածոյ մէջ նշանակեալ հանգամանք մասնաւոր վիայագրով ստուգուելէ և բժշկական քննութեամբ հաստատուելէ յետոյ՝ ընտրելիին վարքն ու բարքը եւ յաջողակութիւնը հասկցուելու համար Տնօրէն ժողովոյ կողմէն փորձոյ կ'ենթարկուի պետք ամիս :

Յօդ. - 4. Զկնի փորձոյ, ընտրելիին վկայագրերը և
փորձոյ ժամանակ իր գրայ հսկող պաշտօնակալին տե-
ղեկագիրը յատենի Տնօրէն Ժողովոյ կը կարգացուի.
Եթէ ընդունելութիւնը որոշուի, «Միաբանական կա-
նոնաց հնազանդութեամբ Ա. Աթոռոյ հաւատարմաբար
ծառայելու» խոստմագիր տոնուելով ձեռքէն՝ Միաբա-
նութեան Մայր տումարին մէջ անունը կարձանագրուի
եւ անմիջապէս պաշտօնը սահմանուելով կը յանձնուի
տեսչութեան խնամոց ում կը պատկանի Տեսչութիւնք
՚ի պահանջել հարկին ո և է միաբանի փոփոխութեան
պէտքը կը տեղեւածածուկ Տնօրէն Ժողովոյ
և նորա հաւանութիւնը կ'ստանաւ



53194-wk

Յօդ. 5. - Եթէ անդամակցութեան խնդրաբկուն արդէն եկեղեցական դասէ է, առողջական, բարոյական և եկեղեցական վիճակի կանոնաւորութիւնը և գործելու կարող ըլլալը ստուգուելէն վերջը՝ երկու տարի ամբողջ փորձոյ կ'ենթարկուի և ապա նախընթաց յօդուածին համեմատ խոստմնագիր առնուելով ձեռքէն՝ կը վճռուի ընդունելութիւնն Միաբանական Ընդհանուր Փողովագիւ:

Բ. ՊԱՐՏՔ ԵՒ ԻՐԱԻՈՒՆՔ ՄԻԱԲԱՆԻՑ

Յօդ. 6. - Միաբանք պարտին իւրաքանչիւրն իւր կարողութեան չափով ծառայել Ա. Աթոռոյ. Այն միաբանը որ պաշտօնի կը կոչուի և առանց օբյեւտոր արժել ունենալու կը մերժէ զայն և կը զլանայ իր ծառայութիւնը՝ պարտապանց կըլլայ և պատժապարտ :

Յօդ. 7 - Միաբանք իրաւունք ունին Ս. Աթոռէն ընդունիլ Ա. Բնակարտան, անունով, իսկ Սարկաւագունք, Դպիրք, Ժառանգաւորք և Քրծազգեացք նաև հաքուսոր, ինչպէս նաև Եպիսկոպոսք և Վարդապետք իրենց անձնական մանր ծախսքն հոգալու համար՝ Միաբանական անունով տարեկան մը, որ անձնիւր կարգի և աստիճանի բաժանում ունի, և պաշտոնեական անունով տարեկան մը, որ իւրաքանչիւր պաշտօնի յատկացած ըլլալով կը տրուի պաշտօնակալաց. - Բ. Հիւանդութեան ժամանակ դարձան և ծերութեան ժամանակ ինսոմ, զորս Տնօրէն Ժողովը մասնաւոր հոգածութեամբ՝ ի գործ կը դնէ առ հասարակ բոլոր Միաբանից կացութիւնը բարւուքելու և զանոնք գոհ և միախթարեալ պահելու համար ։ - Գ. Ռասմունք և դաստիարակունիւն անոնք որ յարմարութիւն ունին և ՚ի մասնաւորի անոնք որ եկեղեցականութեան կը պատրաստուին. - Դ. Եկեղեցական կարգ և Աստվածածն անոնք միայն որ արքանաւորու-

թէն և վահան ունին, և որոց զանազան աստիճանի բարձրացումն՝ կուսարարապետի, Դպրոցաց տեսչի և ոչ ժողովական երկու ձեռնհաս եկեղեցական Միաբանից քնութեան տեղեկագրոց վրայ Տնօրէն Ժողովը կառաջարկէ Միաբանական Ընդհանուր Ժողովոյ օրոշման։ իսկ եպիսկոպոսացուն ուղղակի Տնօրէն Ժողովը կը ներկայացնէ եւ Միաբանական Ընդհանուր Ժողովով կորոշուի։

Այս օրոշումներն կը գործադրուին Ս. Պատրիարքի հաւանութեամբ։

Յօդ. 8.-Միաբանք ազատ՝ իրենց անձնական դրամով իրենց անձին յատուկ անշարժ կալուած գնելու կամ կառուցանելու, միայն թէ այդ կալուածը եթէ Վահան գետին է, պէտք է պատկանի միմիայն եւ անպատճառ երուսաղէմի Վահանին, իսկ եթէ զուտ (առք) Մէլէ է, Միաբանք պարտին նախապէս Նէֆէ Մէլի հէօնէթով և կամ օրինաւոր Վահանին վանքին Վահան ընելով հաստատել ըստ տիրող օրինաց Տէրութեան՝ թէ յետ մահուան Ս. Երուսաղէմի Աթոռն միակ ժառանգն ու տէրն է այն կալուածին։

Եթէ Միաբանք ուղեն անշարժ կալուած գնել կամ կառուցանել, կը պարտաւորին կանխաւ զեկուցանել Ս. Աթոռոյն և Ս. Պատրիարքի Հրամանաւ կատարել վերոյնչանակեալ օրինական գործողութիւններն։ հակառակ պարագային պարտազանց կը նկատուին և ըստ այնմ պարտ ու պատշաճը կը տնօրինուի։

Գ. Ա.Մ.Բ.Ա.Ս.Ա.Ն.ՈՒԹԻՒՆ

Յօդ. 9.-Որ և է Միաբան կրնայ ամբաստանութեան ենթարկուիլ, բայց ամբաստանութիւնը նկատողութեան առնուելու համար պէտք է որ՝ Ա. բացորոշ կերպիւ բացատրուած ըլլայ ամբաստանագիրը, Բ.

ատորագրուած գէթ երկու Միաբաններէ՝ եթէ ամբաստաննեալն աշխարհական կարգէ է, երեք եկեղեցական Միաբաններէ՝ եթէ Սարկաւագ կամ Վարդապետ է, և հինգ՝ եթէ Եպիսկոպոս է։

Աշխարհական (քրծագգեաց) միաբանից վրայ եղած ամբաստանութիւնք Տնօրէն Ժողովոյ մէջ, իսկ եկեղեցականաց վրայ եղած ամբաստանութիւնք Միաբանական ընդհանուր Ժողովով մէջ կը քննուին և վճիռ կը տրուին։

Դ. Ս.Ռ.Ժ.Մ.Ե.Ա.Յ. ԲԱՑԱԿԱՅՈՒԹԻՒՆ Ի ՄԻԱԲԱՆԱԿԱՆ ԿԵՆԱՅ

Յօդ. 10.-Որ և է Միաբան իրաւունք ունի առժամապէս բացակայիլ Միաբանութենէն կամ Ա. Յակովը եանց Աթոռէն հետեւեալ պայմաններով։

Ա. Երբ Միաբան մը այնպիսի հիւանդութեան կենծ թարկուի որ չ'ներեր նմա շարունակել Միաբանական պարտաւորութիւնները և մնալ Ա. Յակովը եանց վանքին մէջ ու կը կարօտի օդափոխութեան՝ ի հեռաւոր վայրս։

Բ. Երբ Միաբանը արդէն ծառայած է Ս. Աթոռոյն առ նուազն երեք տարի՝ եթէ ժառանդաւորաց Վարժարանի աշակերտելով ուսմունքն աւարտած է և չէ ուղեր կամ յարմար չէ դատուեր եկեղեցական կարգը մտնելու, և տասն տարի՝ եթէ եկեղեցական դասէն է։ Սոյն պարագայից մէջ ծառայութեան տարիները կը հաշուին ժառանդաւորաց համար՝ վարժարանէն ել լելով Դպրաց կամ Քրծագգեցից կարգը մտած օրէն սկսեալ, եկեղեցականաց համար՝ դանուած աստիճանը ընդունած օրէն սկսեալ, իսկ դուրսէն եկած եկեղեցական համար՝ Միաբանութեան մէջ ընդունած օրէն սկսեալ։

Յօդ. 11. — Մի և միւս պայմաններով բացակայիլ ուզող Միաբանք խնդրագիր կը մատուցանեն Ս. Պատրիարքին, որ առ առաւելն մէկ ամսուան մէջ պէտք եղած հետազոտութիւնն ընել տալով՝ եթէ իրաւացի գտնէ՝ Տնօրէն ժողովով կը վճռէ. մեկնումը, եթէ քրծազգեաց ոք է կամ դպիր, իսկ եթէ Եկեղեցական դասէն է, տեղեկագրութեամբ ներկայացնելով խընդիրը Միաբանական Ընդհանուր ժողովոյ, անոր որոշման կ'ենթարկէ:

Յօդ. 12. — Բացակայութեան հրաման առնող Միաբանը պարտի իր հաշիւներն ու պաշտօնավարութեան համարը կատարելապէս տալ և ապա իր անձին սեփական գոյքն առնելով մեկնիլ:

Յօդ. 13. — Բացակայող Միաբանները պարտին խոստըմագրով յանձն առնուլ՝ 1. Ս. Աթոռոյ կողմէն որ և է պարագայի մէջ իրենց յանձնարարեալ ծառայութիւնները յօժարակամ կատարել, պայմանաւ որ սոյն ծառայութիւնք կարենան համաձայնիլ իրենց վերջէն ստանձնած Ազգային հրամարակական պաշտօնի կատարման հետ՝ եթէ ունին. 2. Յետ հնդամեայ բացակայութեան եթէ Ս. Աթոռոը կոչէ զիրենք իր անմիջական ծառայութեան, պարտաւոր ըլլան իսկոյն վերադառնալ:

Յօդ. 14. — Միաբանութեան այն անդամները, որոց ծառայութեան պայմաննեալ ժամանակը չը լրացած (յօդ. 10) Ս. Աթոռոյ թոյլտուութեամբ պաշտօնի կը կոչուին Ազգային կեդրոնական Վարչութենէն, պարտին խոստմագրով յանձն առնուլ, Ս. մատուցանել Ս. Աթոռոյ, ազգային պարտադրույթ մէջ իրենցմէ խնդրուած այն ամեն ծառայութիւնք որք չ'են հակառակիր իրենց Ազգային նոր պաշտօնի կատարման հետ. Բ. Արտադրույթ կորչէ պարտադրույթ մէջ ձգել դրսի պաշտօնն եւ դառնալ ի Ս. Աթոռ, երբ սա անհրաժեշտ կարօտու-

թիւն զգալով կը կոչէ զնոսա առժամապէս իր անմիջական ծառայութեան. եւ Գ. Երբ հրաժարին այդ պաշտօնէն՝ անմիջապէս վերադառնալ 'ի Ս. Աթոռն:

Ե. ԱՐՏԱՐՍՈՒԽՄՆ Ի ՄԻԱԲԱՆՈՒԹԵՆԵ

Յօդ. 15. — Այն ամեն Միաբանք, որ կանոնաց անսատելով անվայել վարք կունենան կամ անհաւատարիմ կը գտնուին և կամ առանց օրինաւոր պատճառի իրենց յանձնուած պաշտօնը կը մերժեն կամ խոյս կուտան անկէ, կարտաքսուին Միաբանութենէն հետեւեալ պայմաններով, Ա. Սոյն տեսակ յանցապարտ Միաբանը նախ իր անմիջական մեծէն յուղութիւն կը յորդուի երկիցս և երիցս, և եթէ անուզզայ մնայ, գանգատագրով կը ներկայուի Տնօրէն ժողովոյ, որ առ առաւելն մէկ ամսուան մէջ պէտք եղած քննութիւնն ընելով կուտայ իր վճիռը, և յորդոր կամ պատիժ ինչ որ արժան է և պատշաճ՝ 'ի գործ կը դնէ զնա 'ի կարգ բերելու :

Բ. Իսկ եթէ յանցապարտը դարձեալ շարունակէ իր ընթացքը՝ Տնօրէն ժողովը դատաստանաւ կը վճռէ անոր արտաքսումը եթէ Դպիր, կամ Քրծազգեաց կամ Մայրապետ է և Ս. Պատրիարքը կը գործադրէ. իսկ եթէ Եկեղեցական ոք՝ մասնաւոր տեղեկագրութեամբ անոր արտաքսումը կառավարէ Միաբանական Ընդհանուր ժողովոյ, որ քննութեամբ կամ վիճաբանութեամբ արտաքսումը կորոշէ և Ս. Պատրիարքը կը հաստատէ :

Յօդ. 16. — Արտաքսեալ Միաբանը նախ պարտի իր հաշիւն ու համարը կատարելապէս տալ, և ապա իր անձին սեփական գոյքն առնելով հեռանալ Միաբանական Ռւխտական կուստին և նաեւ Ս. Երուսաղէմէն՝ եթէ Եկեղեցական կարգէն է: Եթէ արտաքսեալ Միաբանը

8

ու և է անշարժ կալուած ունի յանուն Ս. Աթոռոյ, կանոնաւորապէս անոլ վարձքը ցմահ կստանայ ուր ուրեք որ գտնուի, առանց սակայն այդ կալուածին փոխարժէքը պահանջելու իրաւունք ունենալու։

Յօդ. 17. — Ս.յն Միաբանները, որք կամ կը բացակային Միաբանական կեանքէ և կամ Ս. Աթոռոյ թոյլ տուութեամբ Ազգային պաշտօնի կը կոչուին (յօդ. 13-14), բայց իրենց խոստմանց դրժելով չեն կատարեր խոստմագրով յանձնառեալ պայմանները, եւ կամ իրենց վարուք եւ գործովք անպատուութիւն կը բերեն Աւխտին՝ որոյ անդամ են, և յետ երկիցս և երիցս յորդորուելու՝ անուղղայ կը մնան, Տնօրէն ժողովոյ ամբաստանական տեղեկագրոյն վրայ Միաբանական Ընդհանուր ժողովն յետ քննութեան կարտասանէ արտաքսումը և Ս. Պատրիարքը կը հաստատէ և կը գործադրէ։

Յօդ. 18. — Արտաքսեալ Միաբանից անուններն եւ պատճառները կը նշանակուին Միաբանութեան Մայր-Ճումարին և առ Ազգային Երեսփոխանական ժողովն մատուցուած տարեկան տեղեկագրութեան մէջ, եւ Եկեղեցական արտաքսելոց համար ամեն անդամ եւ անմիջապէս Ճեղեկագիր կը տրուի նաև Ազգային Պատրիարքարանի և Արտաքսեան Մայր-Աթոռոյ։

Զ. ՎԱԽՈՃԱՆ ՄԻԱԲԱՆԻՑ

Յօդ. 19. — Որ և է Միաբան թէ վանքին մէջ և թէ Երուսաղէմի վիճակներէն գուրս տեղեր վախճանած ժամանակ, բոլոր գոյքը՝ ի գիր կառնուին եւ հաշիւները տեսնուելով կը կարգադրուին Տնօրէն ժողովոյ կողմէ։

Յօդ. 20. — Վախճաննեալ Միաբանից օրինաւոր ժամանգը Ս. Աթոռն ըլլալով, անոնց գոյքէն Ս. Աթոռ-

ոոյն և այլոց վերաբերեալ և պատահապէս իրենց քով գտնուած դրամ, անօթ, զգեստ, գիրք և այլն՝ իրենց տեղը կը յանձնուի, և աւելցածը Ս. Աթոռոյ կանցնի կանոնաւոր արձանագրութեամբ՝ ի յիշատակ նոցա անուան։ Մի և նոյնը կը գործադրուի նաեւ Լուսարարապետի մահուան ատեն նորա սենեկի եւ սեփական բոյից նկատմամբ, սակայն ամիջապէս՝ ըստ սովորութեան՝ Ս. Յակովայ Աւանդատան դուռը կը կնքուի թաման։ Յակովայ Աւանդատան դուռը կը պահուին (յօդ. 49)։ Իսկ Պատրիարքի վախճանման ատեն վախճանելոյն և պատրիարքարանի գոյից քննութիւնը ու ցուցակագրութիւնը Միաբանական ընդհանուր ժողովավ ընտրեալ Քննիչ Մասնախմբի մը գործակցութեամբ կը կատարուի (յօդ. 24)։

ԳԼՈՒԽ Բ.

ՎԱՐՉՈՒԹԻՒՆ ՄԻԱԲԱՆՈՒԹԵԱՆ

Յօդ. 21. — Միաբան ՅԱԿՈՎԵԱՆՑ Առաքելական Աթոռոյ Վարչութիւնը յանձնուած է Երուսաղէմի Ս. Պատրիարքին, որ կը գործէ օրինաց սահմանին մէջ՝ ըստ տրամադրութեան սոյն կանոնագրոյ՝ աջակցութեամբ Միաբանութեան։

Պատրիարք և Միաբանութիւն համարատու են առ Ազգ՝ Կ. Պոլոյ Երեսփոխանական ժողովոյն միջոցաւ ՚ի ձեռն Ազգային Կեդրոնական Վարչութեան և Ս. Նախագահի նորին։

Ա. ՄՐԲԱՋԱՆ ՊԱՏՐԻԱՐՔ

Յօդ. 22. — Պատրիարքը Մրբոց Յակովեանց Առաքելական Աթոռոյն ցկեանս Գահակալն է, Գլուխ հա-

մանուն Միաբանութեան, Նախագահ Միաբանական
Հնդկանուր և Տնօրէն ժողովոց և Պետ Գործադիր
իշխանութեան :

Յօդ. 23. — Պատրիարքին պաշտօնն է միանգամայն
և պարտաւորութիւնը՝ Միաբանութեան կանոնագրին
ճշդիւ հետեւողութեամբ

Ա. Կառավարել հայրաբար Միաբանական Ուխտն
և օր աւուր բարեկարգութեամբ և գիտութեամբ
առաւել զարգացմանն հոգ տանիլ,

Բ. Տնօրինական Ա. Տեղեաց և այլ Ուխտատեղեաց
նկատմամբ Ազգային սեփականութեանց և արտօնու-
թեանց անկորուստ և պայծառ պահուելուն հսկել,

Գ. Ա. Աթոռոյ սեփական Վանօրէից և կալուածոց
պահպանութեանն և բարգաւաճմանն հոգ տանիլ,

Դ. Սոյն հաստատութեանց չնորհիւ և Ա. Աթոռոյ
կարողութեան շափով՝ Ազգային դաստիարակութեան
ծաւալմանն օժանդակել,

Ե. Ա. Աթոռոյ թեմական ժողովրդոց հոգեւոր խնամք
տանիլ,

Զ. Եւ՝ իր միջնորդ Միաբանական յարաբերութեանց
ընդ ամենայն Հայոց կաթողիկոսութիւնն, պարտու-
պատշաճ մեծարանքն ընծայել առ Մայր-Աթոռն Ա.
րարատեան Ազգային կեդրոնական Վարչութեան ա-
ջակցութեամբ՝ հսկել Ա. Աթոռոյ իրաւանց եւ պար-
տուց վրայ, համաձայն Կանոնագրիս և Ազգային Ասհ-
մանագրութեան խաղաղութիւն ունենալով հանդերձ
ընդ Օտարազգի Քրիստոնեայ Միաբանութիւնս՝ հսկել
անկորուստ պահելու Ազգին իրաւոնքն և անաղորտ՝
Միաբանութեան պատիւն, անվթար պահել հրովար-
տակօք չնորհեալ և վաւերագրովք հաստատեալ ա-
ռանձնաշնորհութիւններն, արտօնութիւններն և ա-
ւանդական հնամենի սովորութիւններն, վայելուչ յա-
րաբերութեամբք թէ ընդ Նախարարս, թէ ընդ բարձ-

րագոյն պաշտօնակալս և թէ ընդ տեղական կառավա-
րութիւնն :

Յօդ. 24. — Երբ Ա. Երուսաղէմի Պատրիարքական Ա-
թոռը որ և է պատճառաւ թափուր մնայ, Պատրիար-
քական Փօխանորդը Տնօրէն ժողովոյ հետ խորհրդակցու-
թեամբ Միաբանական Հնդկանուր ժողով գումարել
փութալով՝ ընտրել կուտայ:

Ա. Երեք անձերէ բաղկացեալ Քննիչ Մասնախումբ
մը, որ պաշտօն ունի Տնօրէն ժողովոյ հետ Պատրիար-
քի գոյքն եւ ընդհանրապէս Պատրիարքարանի մէջ
գտնուած ամեն բան ՚ի գիր առնուլ և ցուցակաւ
Տնօրէն ժողովոյն յանձնելով՝ տեղեկագիր մատուցա-
նել Միաբանական Հնդկանուր ժողովոյն (յօդ. 19, 20),
եւ անմիջապէս տեղեկագրել Ազգային կեդրոնական
Վարչութեան, իսկ Տնօրէն ժողովը Պատրիարքարանը
կնքոյ տակ կը պահէ մինչ ցգահակալութիւն նոր Պատ-
րիարքի, և

Բ. Պատրիարքական Տեղապահը՝ որ քուէից բացար-
ձակ առաւելութեամբ կընտրուի միանուն քուէով և
Միաբանական Հնդկանուր ժողովն հանրագրով մը նորա-
ընտրութիւնը կիմացնէ Ազգային կեդրոնական Վար-
չութեան, որու միջոցաւ ընտրութեան պաշտօնագը-
րոյն հասնելն յետոյ կը վարէ իր պաշտօնը :

Յօդ. 25. — Պատրիարքի վախճանման պատճառաւ
ընտրուած տեղապահին պաշտօնն է, Պատրիարքի ընտ-
րական գործողութեանց նախագահէլ, և մինչև ցգա-
հակալութիւն նորընտիր Պատրիարքի՝ անոր վարչական
պաշտօնը վարել ըստ կանոնագրի Միաբանութեան :

Յօդ. 26. — Ա. Երուսաղէմի Առաքելական Աթոռոյ
Պատրիարքն Ազգային Երեսափոխանական ժողովով
կընտրուի Միաբանութեան ներկայած ընտրելեաց մէ-
ջէն, որոց ցուցակը կը պատրաստուի հետեւեալ կեր-
պիւ .

Նախ՝ Միաբանական Ընդհանուր Ժողով կը գումարուի՝ Միաբանութեան աճբաղ Եկեղեցական անդամոց երկու երրորդ մասին մասնակցութեամբ Ընդ Նախագահութեամբ Պատրիարքական Տեղապահին, որ կը յիշեցնէ Ժողովականաց Պատրիարքական ընտրելիութեան արժանաւորութեան հանգամանքը և կը հրաւիրէ զնոսա խզի մտօք կատարել իրենց ընտրութիւնը։ Իրաքանչիւր ընտրող թուղթի վրայ կը գրէ անունները այն ամեն Մէտքն Եպիսկոպոսաց և Վարդապետաց, որ երեսուն և հինգ տարին լրացուցած և Օսմանեան Տէրութեան հպատակ ըլլալով սկսեալ 'ի հօրէ, ըստ իւր խզի՝ կրօնական, բարոյական և ուսումնական բարեմասնութեամբք արժանի են Պատրիարքական Գահը բարձրանալու։

Քուէահամար կը կատարուի սոյն քուէից և առաւելագոյն քուէ ստացող անուններէն քուէից առաւելութեան կարգաւ եօթն անձինք որոշուելով՝ Առաջնաշուրջին մը կը պատրաստուի Եօնն ընդուլեցած։

Ժողովականք երկրորդ անգամ քուէարկութեան կը հրաւիրուին՝ սոյն Եօնն ընդուլեցած ցուցակին մէջէն միայն Երեւ անձի վրայ քուէնին ամփոփելու պայմանաւ և քուէհամար կատարուելով Երեւրդ ցուցակ մը կը պատրաստուի Երեւ ընդուլեցած՝ իրաքանչիւրին ընդունած քուէից առաւելութեան կարգաւ, իսկ եթէ երկու ընտրութեանց ժամանակ հաւասար քուէներ պատահին՝ վիճակաւ կորոշուի ընտրելին և սոյն Երեւ ընդուլեցած ցուցակ իր Արքանաւորագունդից ընդուլեցած ցուցակ հանդերձ առաջին Եօնն ընդուլեցած ցուցակաւ և իրաքանչիւր ընտրելոյ անցեալ պաշտօնավարութիւնը նկարագրող տեղեկագրով կը ներկայացուի Ազգային Երեսփոխանական Ընդհանուր Ժողովյ, որ անոց մէջն կընտրէ զՊատրիարքն Ա. Երուսաղէմի, Կ. Պոլսոյ Պատրիարքի ընտրութեան տրամադրութեան համեմատ։

Յօդ. 27. – Նորընտիր Պատրիարքն եթէ Վարդապետէ, Միաբանական Ընդհանուր Ժողովոյ վկայականով, և Կ. Պոլսոյ Պատրիարքի յանձնարարականով Ս. Էջմիածինին կուղեւորի, և Եպիսկոպոսութեան աստիճանի կը բարձրանայ, և 'ի վերադարձին յատենի Սրբոց Յակովի տաճարին և 'ի ներկայութեան Միաբանական Ընդհանուր Ժողովոյ հանդիսաւորապէս ուխտ ընելով և հաւատարիմ մնալ Տէրութեան, Ազգին և Ս. Աթոռոյն Երուսաղէմի, և հսկել անթերի գործադրութեան կանոնագրի Միաբանութեան և կը բազմի յԱթոռն Պատրիարքական, և կը տեղեկացնէ առ Ազգային Վարչութիւնն իւր ուխտին կատարում։

Իսկ եթէ Եպիսկոպոս է, ընդունելով իւր ընտրութեան և հաստատութեան պաշտօնագրերն՝ կը կատարէ վերոյիշեալ ուխտն և կը բազմի յԱթոռ Պատրիարքական։

Ս. Եկեղեցեաց մէջ Պատրիարքի անուան յիշատակութիւնը կսկսի իր ուխտի կատարումէն անմիջապէս յետոյ։

Բ. ՏՆՈՐԷՆ ԺՈՂՈՎ

Յօդ. 28. – Տնօրէն Ժողովը կը կազմուի՝ Լուսարարապետէն՝ որ անփոփոխ անդամ է, և շրջանաբար փոփոխելի հինգ անդամներէ։

Յօդ. 29. – Տնօրէն Ժողովոյ անդամ կընտրուին Եկեղեցական Միաբաններէն բանիրուն և փորձառու անձինք, որք օծ տարին լրացուցած են և ո և է ամբատանութեան ներքեւ չ'են ինկած։

Յօդ. 30. – Տնօրէն Ժողովոյ հինգ անդամները կընտրուին չորս տարուան համար Միաբանական Ընդհանուր Ժողովէն կրկնաթիւ փակեալ Ցանկի մը վրայ, զՊատրիարքը՝ Ա. Պատրիարքի խորհրդակցուողը կը պատրաստէ Ս. Պատրիարքը՝ խորհրդակցուուողը կը պատրաստէ

թեամբ կուսարարապետին և Պատրիարքական Փոխառորդին :

Երբ սոցա պաշտօնավարութեան քառամեայ շրջանը լրանայ նոր ընտրութիւն կը կատարուի ըստ վերնոյն ։ Վախճանմամբ, հրաժարմամբ, կամ ուրիշ պատճառներով Տնօրէն ժողովոյ անդամներէն երբ պակսելու ըլլան, կրկնաթիւ ցանկի վրայ Միաբանական Ընդհանուր ժողովը կընտրէ նոր անդամներ, որոց պաշտօնավարութիւնը կաւարտի նոյն շրջանին հետ ։ Դադարեալ անդամք միշտ վերընտրելի են :

Յօդ. Յ.՝ Տնօրէն ժողովը կանոնաւորապէս շաբաթը երկու, իսկ ստիպողական հարկին աւելի նիստ կընէ ընդ Նախագահութեամբ Ա. Պատրիարքին և 'ի բացակայութեանն՝ Պատրիարքական Փօխանորդին ։ Ժողովը կը կառավարուի իր Դիւանէն՝ կազմեալ մէկ Ատենապետէ եւ մէկ Ատենադպրէ, զորս իր մէջն կընտրէ մէկ տարի պաշտօն վարելու պայմանաւ և վերընտրելի են :

Յօդ. Յ.՝ Տնօրէն ժողովոյ պաշտօնն է հաւանութեամբ Ա. Պատրիարքի, Ա. Աթոռոյ պաշտօնատարաց կողմէ ներկայացեալ ճիւղաւոր և ծանրակշիռ գործերը տնօրինել, նախապէս նտանալով անոնց կարծիքն ու դիտողութիւնն :

Ա. Աթոռոյ պաշտօնատարաց ընտրութիւնները կատարել :

Վարչական հրահանգները եւ տնօրէնութիւնները սահմանել, առ հասարակ բոլոր պաշտօնէից և Տեսչութեանց գործառնութիւններուն մօռէն հսկել, և 'ի հարկին Քննիչ զրկել :

Ամեն տարի Ա. Զատկի տօներէն վերջ կուսարարապետի հետ, երկու իր մէջն և երկու Միաբանութենէն ընտրած մասնախմբի մը միջոցաւ քննել եւ ստուգել Ա. Յակովայ Աւանդատան մէջ և դուրսերը գըտ-

նուած բոլոր Արբութեանց, անօթոց, զգեստուց և այլն վիճակը և արձանագրութիւն կազմելով ստորագրելու ժողովը կուսարարապետի քով և օրինակը անցնել Տնօրէն ժողովոյ ատենագրութեանց մէջ :

Տնօրէն ժողովն առ Միաբանական Ընդհանուր ժողովն կատարած տարեկան համարատուութեան մէջ, այս կատարուած գործողութիւնը կը ներկայացնէ Այս քննութիւնը ուրիշ ժամանակներ ալ 'ի հարկին կարելի է կատարել :

Եւ 'ի մի բան, տնօրինել այն ամեն գործերն, որք իւրաքանչիւր պաշտօնատարի իրաւասութենէն վեր կը դատուին :

Նոյնպէս Տնօրէն ժողովոյ պաշտօնին կը պատկանի, հաւանութեամբ միշտ Ա. Պատրիարքին, ելմտացոյցով նախատեսեալ բացը գոցելու համար, միայն եթէ հարկ ըլլայ, փոխառութեան պէտքն ու պայմանները սահմանել, իսկ անկէ աւելի պէտքին համար Միաբանական Ընդհանուր ժողովոյ դիմել, և 'ի դէպս մահուան Միաբանից՝ նոցա սեփական գոյից վրայ կանոնական տրամադրութիւնն 'ի գործ դնել :

Յօդ. Յ.՝ Տնօրէն ժողովը ամեն ամսագլուխ պաշտօնից հաշիւները կը քննէ, նոյնպէս ամեն ամսագլուխ Ա. Աթոռոյ ելեւմտից վիճակը ստուգելով և ուզած ատեն դրամարկել վիճակը քննելով՝ հարկաւոր տնօրէնութիւնները կընէ, ամեն տարեգլուխ անցելոյն հաշիւները կը փակէ եւ յաջորդին ելմտացոյցը կանխաւ յարդարելով՝ բացատրակտն տեղեկագրութեամբ կը ներկայացնէ Միաբանական Ընդհանուր ժողովոյ :

Յօդ. Յ.՝ Տնօրէն ժողովն համարատու է առ Միաբանական Ընդհանուր ժողովն, առ որ կը կատարէ համարատուութիւն տարեկան Տեղեկագրութեամբ, որ պատրաստուած պէտք է ըլլայ առ առաւելն մինչեւ

Յունիսի վերջը . հակառակ պարագային պարսաւանաց կ'ենթարկուի :

Տարեկան Տեղեկագրութեան մէջ խնամով կը նշանակէ .

Ա. Միաբանական անդամոց ընդունելութեան , պաշտօնավարութեան , սահմանուած հրահանդներու , հաւատարիմ ծառայութեանց համար եղած վարձատրութեանց , հրաժարման և մահուան վերաբերեալ տնօրէնութիւններն :

Բ. Միաբանական անդամոց ուսումնական յառաջդիմութեան և ընդհանրապէս Ազգային դաստիարակութեան նկատմամբ գործադրուած միջոցներն և արդիւնք նոցին :

Գ. Տնօրինական Ս. Տեղեաց և այլ Ուխտատեղեաց մէջ Օտարաց հետ ընկերովի և առանձինն Ազգային արտօնութեանց և սեփականութեանց մասին պատահած նշանաւոր գէպքերն և ասոնց նկատմամբ ընդ Ազգային կեդրոնական Վարչութեան . ընդ Տեղական կառավարութեան , ընդ Քրիստոնեայ Օտարազգիս և ուղղակի ընդ Նախարարս Տէրութեան կամ այլ պաշտօնակալս տեղի ունեցած յարաբերութիւններն և արդիւնք նոցին :

Դ. Բոլորեալ տարւոյն Ելմտական ճշգրիտ վիճակն բազգատմամբ ենթադրեալ Ելմտացոյցի և 'ի մասնաւորի փոխառութեանց և պարտուց վճարման նկատմամբ 'ի գործ դրուած միջոցներն և արդիւնք նոցին :

Ե. Յաջորդ տարուան ենթադրեալ Ելմտացոյցն եւ Ելեւմտից հաւասարակառութեան համար 'ի գործ դրուած միջոցներն :

Յօդ. 35. - Տնօրէն ֆողովոյ անդամք չ'են կրնար ստանձնել այն պաշտօնները , որք իրենց համարառութեան ներքեւ կը գտնուին , ինչպէս նաեւ չ'են կրնար միանդամայն Տնօրէն ֆողովոյ անդամ եւ Ընդհանուր

ֆողովոյ ատենապետ ըլլալ :

Իսկ եթէ երբէք ստանձնեն այնպիսի պաշտօն , կը դադրին նոյն միջոցին Տնօրէն ֆողովոյ անդամակցութենէն :

Գ. Միաբանական Ընդհանուր ԺՈՂՈՎ

Յօդ. 36. - Միաբանական Ընդհանուր ֆողովոյ անդամ են Միաբանութեան բոլոր եկեղեցական անդամներն , մինչեւ 'ի Սարկաւագունս՝ 'ի միասին համարեալ:

Յօդ. 37. - Ս. Պատրիարքը կը նախագահէ Ընդհանուր ֆողովոյ և Ս. Աթոռութափուր եղած ժամանակ՝ Պատրիարքական Տեղապահը : Բայց Ընդհանուր ֆողովը իր մասնաւոր գիւտանն ունի Ատենապետէ , Ատենադպրէ և Փոխանորդներէ կազմեալ , զորս իր մէջէն կընտրէ գալտոնի քուէարկութեամբ՝ երկու տարի պաշտօն վարելու պայմանաւ :

Յօդ. 38. Ընդհանուր ֆողովն կը գումարի ,

Ա. Կանոնադրաբէս ամեն տարեգլուխ (Մայիս) Տնօրէն ֆողովոյ համարատուութիւնը առնելու եւ առ Ազգային երեսփոխանական Ընդհանուր ֆողովն իր համարը տալու , եւ՝

Բ. Պատրիարքէն երբ Ս. Պատրիարքը՝ կամ Տնօրէն ֆողովը մասնաւոր խնդրոյ մը համար հարկ տեսնեն , եւ կամ Ընդհանուր ֆողովոյ Ս. Երուսաղէմի մէջ գտնըւող անդամոց մէկ երրորդ մասը բացորոշ խնդրագրով հայցեն անոր գումարումը :

Յօդ. 39. Ս. Պատրիարքը՝ կամ Ս. Աթոռութափուր ժամանակ Տեղապահէր , և Ս. Պատրիարքի բացակայութեան միջոցին Պատրիարքական Փոխանորդը կը հրաւիրէ զանդամն 'ի ժողով , ամեն անդամ գէթ 24 ժամ առաջ զրկելով կոչնագրեր , որոց մէջ կը նշանակուի Օրակարգի խնդիրը :

Յօդ. 40. — Ա. Երուսաղէմ ժողովով Միաբանական Ընդհանուր ժողովով անդամոց թուոյն երկու երրորդ մասը բաւական է օրինաւոր ատեան կազմելու եւ ամեն խնդիր լուծելու, և ընտրութիւններն ընելու, բաց ՚ի Պատրիարքական ընտրելեաց, կուսարարապետի եւ Տեղապահի ընտրութիւններէն, որոց համար Ընդհանուր ժողովոյ բարձր անդամոց երկու երրորդ մասի մասնակցութիւնը անհրաժեշտ է :

Յօդ. 41. — Միաբանական Ընդհանուր ժողովոյ պաշտօնն է,

Ա. Ընտրել Պատրիարքական ընտրելիները, ինչպէս նաև Տեղապահն ու կուսարարապետը՝ և ըստ 50՛ր յօդուածոյ Տնօրէն ժողովոյ անդամները :

Բ. Միաբանական Վարչութեան և նոյն իսկ իրեն համար մասնաւոր կանոնադրութիւններ հաստատել, կամ ՚ի պահանջել հարկին բարեփոխել, Տնօրէն ժողովէն, առաջարկեալ խնդիրները լուծել և անոր տեղեկադրին վրայ փոխառութեանց և Ս. Աթոռոյ սեփական կալուածոց վաճառման կամ գնման պէտքը վճռել և պայմաններն սահմանել, եկեղեցական Միաբանից անդամակցութեան ընդունելութիւնը որոշել, ձեռնադրութեանց առթիւ ընծայացուաց արժանաւորութիւնը քուէարկել, եկեղեցական Միաբանից ամբաստանութիւնը դատել, անոնց արտաքսումը արտասանել, և ՚ի դէպս մահուան Պատրիարքի՝ նորա սեփական և Պատրիարքարանի գոյից վրայ եղած տնօրէնութիւնն լսել և վերջապէս Տնօրէն ժողովէն համար առնուլ:

Յօդ. 42. — Ամեն տարեգլուխ Միաբանական Ընդհանուր ժողովը Տնօրէն ժողովոյ համարատուութեան Տեղեկագիրն և Ելմուացոյցն ընդունելով՝ ստուգելէ և վաւերացնելէ յետոյ, իր կողմէն համարատուութեան Տեղեկագիր կ'ուղղէ առ Ազգային Երեսփոխանական

Ընդհ. Ժողովն, մի առ մի նշանակելով ՚ի նմին ձեր յօդուածի տրամադրութեան համաձայն՝ տարւոյն մէջ կատարուած վարչական, Տնտեսական, Ելմտական, Բարեկարգական տնօրէնութիւններն, ինչպէս և վերջացեալ տարւոյ հաշուեկշիռն և յաջորդին Ելմտացոյցը :

ԳԼՈՒԽ Գ.

ՎԱՐՉԱԿԱՆ ՊԱՇՏՕՆՔ ԵՒ ՊԱՇՏՕՆԱԿԱԼՔ

Ա. ԼՈՒՍԱՐԱՐՄՊԵՏ

Յօդ. 43. — ՈՒՍՏԱՐԱՐՄՊԵՏ կընտրուի Միաբանական Ընդհանուր ժողովէն, ցկեանս պաշտօնավարելու պայմանաւ :

Լուսարարապետի պաշտօնն է,

Ա. Տնօրինական Ս. Տեղեաց, Ուխտատեղեաց և բոլոր եկեղեցեաց մէջ ՚ի սահմանս Ս. Երուսաղէմի՝ Աստուածային պաշտօնանց ըստ կանոնի Հայ. Եկեղեցւոյ կատարուելուն վերատեսչութիւնը, և

Բ. Յատուկ ցուցակագրութեամբք իրեն յանձնուած Ս. Աթոռոյ սեփական բոլոր եկեղեցական Սրբութեանց, անօթոց, զարդուց, զգեստուց, գրեանց և այլ գոյից անկորուստ և անեղծ պահպանութիւնը :

Յօդ. 44. — Լուսարարապետին հսկողութեան ենթարկեալ են՝

Ա. Ի մասին կարգապահութեան և եկեղեցական պաշտաման՝ Միաբանութեան բոլոր եկեղեցական անդամներն, և ՚ի մասնաւորի՝ Ժամարհնող, Խոստովանահարք, Ժամասաց և Ժամարար Վարդապետք, Սարկաւագունք և Դամիրք, Մասագործ և Ժամակոչ, և

Բ. Ի մասին աւանդապահութեան՝ բոլոր կուսարարք և այլ սպասարկուք եկեղեցւոյ :

Յօդ. 45. — Ա. Աթոռոյ աւանդատան ինչպէս նաեւ զանազան Ուխտատեղեաց և Տաճարաց մէջ գտնուած բոլոր եկեղեցական անօթոց, զարդուց, զգեստուց, գրեանց և այլ գոյից մանրապատում կրկին Մայր Տումարներէն մին Աւանդատան և միւսն Տնօրէն ժողովոյ Խորհրդարանին մէջ պահուելով՝ կուսարարապետն Միաբանական Ընդհանուր ժողովով ընտրուելէն և սովորական արարողութեամբ Աւանդատան բանալին Ս. Գլւադրէն իր ձեռօք առնելէն ետքը, ընտրուած մասնախումբին հետ (յօդ. 49) նոյն տումարներն, ինչպէս նաեւ իր նախորդի մասնաւոր Տումարն Աւանդատան վիճակին հետ բազդատելով ինքը և Մասնախումբի անդամները անոնց մէջ կարձանագրեն իրենց դիտողութիւններն և կուսորագրեն:

Յօդ. 46. — Իւրաքանչիւր կուսարարապետ իր ժամանակին համար մասնաւոր Ժապաւինեալ Տումար մը կընդունի Տնօրէն ժողովէն վաւերացմամբ Ս. Պատրիարքի և անոր մէջ կարձանագրէ մանրամասնաբար,

Ա. Ինչ նոր անօթ, զգեստ, զարդ և այլն որ յանձնուի իրեն յատենի Տնօրէն ժողովոյ, և՝

Բ. Ինչ փոփոխութիւն որ հարկ կը տեսնուի և Տնօրէն ժողովոյ որոշմամբ կը կատարուի Աւանդատան մէջ և գուրաը գտնուած անօթոց, զգեստուց և այլոց վրայ (նորոգութիւն, ձեւի փոփոխութիւն և այլն), և ամեն մէկ արձանագրութեան ներքեւ ինքը կոտրագրէ Տնօրէն ժողովոյ Դիւտինին հետ:

Յօդ. 47. — Կուսարարապետը իրեւ հսկող եւ պատասխանատու եկեղեցական եւ վանական կարգապահութեան, ստիպողական պարագայից մէջ, կրնայ անմիջական տնօրէնութիւն մ'ընել կարգապահութեան հակառակ վարուողներու նկատմամբ պայմանաւ որ իսկոյն տեղեկագրէ Տնօրէն ժողովոյն :

Յօդ. 48. — Կուսարարապետը ամբաստանութեան կեն-

թարկուի հետեւեալ պարագայից մէջ.

Ա. Երբ Տարեկան Քննիչ մասնախումբը իր քննութեանց պահուն երեւան հանէ այնպիսի կէտեր, որոնք իր հաւատարմութիւնը Խնդրոյ նիւթ ընեն, ամբաստանագիր կուղղէ առ Ս. Պատրիարքն իրեւ Նախագահ Միաբանական Ընդհանուր ժողովոյ.

Բ. Ներկայ Միաբանից մէկ երրորդի ստորագրութեամբ կ'ամբաստանուի՝ ի մասին եկեղեցական պաշտամանց, արարողութեանց եւ ծիսից ինչ որ Տօնացոյից և Ս. Աթոռոյ հնամենի աւանդութեանց եւ սովորութեանց դէմ նոր կարգեր ու կանոններ սահմանել յաւակնի, և

Գ. Իր բարոյական կեանքը գայթակղութիւններ յարուցանէ Միաբանութեան մէջ եւ կարգապահութեան խանդարման տեղի տայ:

Այս երեք որոշ կէտերու վրայ Միաբանական Ընդհանուր ժողովը եղած ամբաստանութիւնները լսելէ վերջը, իրմէ կարգեալ դատական Յանձնաժողովոյ մը կը յանձնէ քննութիւնը և նորա տեղեկացիրը լսելէ յետոյ կարտասանէ վճիռը, որ կըլլայ կամ արդարացում եւ կամ պաշտօնանկութիւն կուսարարապետութենէ:

Ամբաստանողք չ'են կրնար Դատական Յանձնաժողովոյ անդամ ընտրուիլ:

Յօդ. 49. — Երբ կուսարարապետը վախճանի, ութօր վերջը տեղի կունենայ նորին ընտրութիւնը, և Միաբանական Ընդհանուր ժողովն կարգեալ չորս անձէ բաղկացած Մասնախումբի մը հետ մտնելով Ս. Եկեղեցոյ մեծ Աւանդատունը՝ Տումարաց համեմատ յանձնումը կը կատարուի (յօդ. 45): Իսկ եթէ զանազան պատճառներով ընտրութիւնը երկարածդի, նոյն Մասնախումբը պէտք եղած զգեստները, զարգերը և այլն դուրս հանելէ յետոյ՝ Աւանդատան դուռը կը կնքէ և

բանալիները կը յանձնէ Ա. Պատրիարքին, և Տնօրէն ժողովը կը կարգէ փոխ-Լուսարարապետ մը՝ որ առժամապէս կը պաշտօնավարէ ցընտրութիւն նորին։

Բ. ՊԱՏՐԻԱՐՔԱԿԱՆ ՓՈԽԱՆՈՐԴ ՅԵՐՈՒԾԱՂԵՄ

Յօդ. 50. — Ա. Պատրիարքը կընտրէ իր Փոխանորդը Միաբանութեան առաջաւոր անդամոց մէջէն։

Փոխանորդի պաշտօնն է, ըստ հրամանի և հրահանգի Ա. Պատրիարքի յարաբերական գործերը տնօրինել, և 'ի բացակայութեան Ա. Պատրիարքի՝ նախագահել ժողովոց և ստորագրել պաշտօնագրերը։

Գ. ԵԼԵՒՄՏԻՅ ՏԵՍՉՈՒԹԻՒՆ

Յօդ. 51. — Ելեւմտից Տեսուչը կընտրուի Տնօրէն ժողովէն և համարատու է նմա և պաշտօնն է՝ Ա. Աթոռոյ կանոնաւոր տնտեսութեան և համարակալութեան վերատեչութիւնը։

Յօդ. 52. — Ելեւմտից Տեսչի հսկողութեան ենթարկեալ են Ա. Աթոռոյ Գանձակեան եւ Համարակալն, որք նոյնպէս կընտրուին Տնօրէն ժողովէն, և 'ի մասին հաշուական գործողութեանց բոլոր պաշտօնակալք Միաբանութեան։

Յօդ. 53. — Ա. Աթոռոյ Ելեւմուտքը ամեն տարի Տնօրէն ժողովոյ առաջարկութեամբ՝ Միաբանական Ընդհանուր ժողովով կը սահմանուի խնիսու, և ըստ նոյն Ելմտացոյցի կը տնօրինուին Ելմտական տնտեսութեան զանազան ճիւղերու պաշտօնակալաց ճեռօք, որոց ամենուն գործառնութեանց կանոնաւորութեան կը հսկէ Ելեւմտից Տեսուչը. հակառակ պարագային իւր գրաւոր դիտողութիւններն կը ներկայացնէ Տնօրէն ժողովոյն, որ պարտաւոր է նկատողութեան առնել զանոնք նորախորհակցութեամբ, և ամիսը անգամ մը Ա. Աթոռոյ Ելմտական վիճակը կը ներկայացնէ Տնօրէն ժողովոյ։

Յօդ. 54. — Ելեւմտից Տեսուչը Ելմտացոյցով նախասհմանեալ անջրական հասութից և ծախուց գանձումը և վճարումը կը հրամայէ Գանձապետին, իսկ Ելմտացոյցէ դուրս արտասովոր հասութից գանձումը և ծախուց վճարումը կը լինի Տնօրէն ժողովոյ մասնաւոր և պատճառարանեալ որոշմամբ եւ Ա. Պատրիարքի պաշտօնագրով։

Յօդ. 55. — Ա. Աթոռոյ փոխառական գործողութիւնք Ելեւմտից Տեսչի ձեռամբ կը կատարուին ըստ որոշման և գրաւոր արտօնութեան Տնօրէն ժողովոյ, իսկ Ելմտացոյցով նախատեսեալ բացէն դուրս ըլլալիք փոխառութեանց պէտքը և պայմանները Տնօրէն ժողովոյ առաջարկութեամբ Միաբանական Ընդհանուր ժողովով կը վճռուին և կը սահմանուին։

Յօդ. 56. — Գանձուց պահպանութիւնը և մասնաւոր հաշուակալութիւնը յանձնուած է Գանձապետին, որ առանց գրաւոր հրամանի Ելեւմտից Տեսչին ոչինչ կը վճարէ և համարատու է նմա։

Յօդ. 57. — Ա. Աթոռոյ Ելմտական գործողութիւնք կրկնատումարի օրինօք կարձանագրուին Համարակալի ձեռօք, որ ընդ հսկողութեամբ Ելեւմտից Տեսչին եւ նորա գրաւոր հրամանին համաձայն գանձումներն ու վճարումները կարձանագրէ, հաշիւ կը տեսնէ բոլոր պաշտօնակալաց ճետ և համարատու է նմա։

Յօդ. 58. — Տնօրէն ժողովոյ մէջ լինելիք ամեն Ելմտական տնօրէնութիւնք և հաշուական գործառնութիւնք Ելեւմտից Տեսչին ներկայութեամբ կը լինին։

Դ. ԴԱՐՊԱՌԱԸՆԿԱԼ

Յօդ. 59. — Դարպասընկալն Դրամընկալ և Տումարակալ Վարդապետներով իբր Դարպասական Յանձնախումբ՝ մէկ տարուան համար Տնօրէն ժողովէն կը նոր

րուին և ամենն ալ անմիջապէս վերընտրելի են : ի հարկին Դարպասական Յանձնախումբին օգնականներ կը նշանակուին Ս. Պատրիարքին հրամանաւ :

Յօդ. 60. – Դարպասընկալին պաշտօնն է՝ հսկել ուխտաւորաց պատշաճապէս հիւրընկալուելուն, ընդունիլ նոցա դարպասական նուէրներն, բռնել անոնց կանոնաւոր հաշիւը և գոյացեալ արդիւնքն գիտութեամբ Ս. Պատրիարքին՝ Դրամընկալի ձեռամբ յանձնել Ելեւմտից Տեսչին :

Յօդ. 61. – Դարպասընկալին հսկողութեան ենթարկեալ են՝ Դրամընկալ, Տումարակալ և Հիւրընկալ Վարդապետք, Սենեկապանն, Շորապահը և Պղնձապահը :

Ե. ԴՊՐՈՑԱՅ ՏԵՍՈՒԻՉ

Յօդ. 62. – Դպրոցաց Տեսուչը կընտրուի Տնօրէն ժողովէն և իւր պաշտօնն է՝ Ժառանգաւորաց Վարժարանի, Երուսաղէմի երկսեռ Նախակրթարանաց, Բեթղեհէմի և Յուպակէի Վարժոցաց Վերատեսչութիւնը :

Յօդ. 63. – Տեսչի հսկողութեան ենթարկեալ են՝ Ժառանգաւորաց Վարժարանի և Նախակրթարանաց ու Վարժոցներու Ուսուցիչները և բոլոր ծառայողները :

Յօդ. 64. – Դպրոցաց Տեսուչը Տնօրէն ժողովէն ընտրուած երեք անձէ բաղկացեալ Կրթական Մասնախումբի մը հետ և ըստ որոշման Տնօրէն ժողովզ՝ կը տնօրինէ Ժառանգաւորաց Վարժարանի՝ երկսեռ Նախակրթարանաց և Թեմական Վարժոցաց Վերաբերեալ գործերը և խնդիրները : Ներքին Կրթական խնդրոց կարգադրութեան պարագային Ուսուցչական Մարմինն ալ խորհրդակցութեան կը հրաւիրուի :

Յօդ. 65. – Յիշեալ Կրթական Մասնախումբը պաշտօն ունի նաեւ հսկելու Տպարանի և Գրադարանաց Վերաբերեալ գործերուն վրայ :

Յօդ. 65. – Ժառանգաւորաց Վարժարանը կը կառավարուի հետևեալ հիմնական ծրագրոյն համեմատ,

Աշակետք արդէն նախակրթեալք կընդունուին ընտրութեամբ իրը Ժառանգաւորաք Եկեղեցւոյ 16 էն մինչև 18 տարեկան : մի կողմէն կուսանին

1. Հայաստանեայց Եկեղեցւոյ վարդապետութիւն,
2. Եկեղեցական իրաւաբանութիւն.
3. Ընդհանուր Կրօնագիտութիւն.
4. Լեզուագիտութիւն - Հայերէն, Տաճկերէն և Գաղղիերէն.

5. Քանակագիտութիւն - Ժուաբանութիւն կատարեալ. Գրահաշիւ, Տարերք երկրաչափութեան եւ Տօմարակալութիւն :

6. Պատմութիւն - Սրբազն, Եկեղեցական, Ազգային և ընդհանուր հանդերձ Օսմանեան պատմութեամբ.

7. Երգեցողութիւն - Հայ Զայնագրութեամբ.
8. Աշխարհագրութիւն - Ընդհանուր և Օսմանեան.
9. Տիեզերագրութիւն.

10. Գեղագրութիւն, գծագրութիւն և նկարչութիւն.

11. Տարերք Բնական Պատմութեան և գիտութեանց .

Եւ միւս կողմէն կը վարժուին Եկեղեցական պաշտամանց կանոնաւորապէս Դպրութիւն ընելով Եկեղեցւոյ մէջ, եւ յարմարութիւն ունեցողները յընթացն դաստիարակութեան կրնան ուրար ստանալ և յետ աւարտման Դպրոցական շրջանին ֆախովով արժանառութ հետզհետէ կը բարձրանան Եկեղեցական աստիճանաց մէջ, իսկ մնացեալներն իրենց կարողութեան համեմատ զանազան գործերու մէջ կը գործածուին ըստ կանոնագրի Միաբանութեան :

Զ. ԴԻԻԱՆԱՊԵՏ

Յօդ. 66. – Դիւանապետը Տնօրէն ժողովէն կընտրուի և պաշտօնն է ճշտութեամբ պատրաստել ժողո-

վոյ ատենագրութիւնները՝ առաջնորդութեամբ նորա Դիւանին և եղած որոշանց համեմատ պաշտօնական թղթակցութիւններն և Դիւանական արձանագրութիւններն ընել:

Յօդ. 67. — Դիւանատան ամեն կարեւոր գրեր և արձանագրութիւններ կը պահպանուին կանոնաւորապէս ցուցակագրեալ՝ ընդ հսկողութեամբ և պատասխանատութեամբ Դիւանապետին։ Բաց ՚ի Տնօրէն ֆողովոյ Ատենապետէն և Ատենագրութիւն ուրիշ ոք չէ կարող Դիւանատուն մտնել, գրեր կամ տումարներ պրատել, և Դիւանատունէն որ և է գիր կամ տումար պէտք չէ դուրս ելնէ նոյն իսկ Դիւանապետի ձեռամբ։

Յօդ. 68. — Դիւանապետի պաշտօնին կը վերաբերի՝ Տնօրէն ֆողովոյ որոշմամբ և Ս. Պատրիարքի հրամանաւ ունենալ և պահել լիակատար և ճշգրիտ Մայր-Տումարներ ա. Ս. Աթոռոյ ամեն տեսակ և ամեն տեղ ունեցած կալուածոց և գետիններուն։ Բ. Հաստատուն կտակաց և գ. Վախճանեալ Միաբանից թողած կայից և գոյից։

Յօդ. 69. — Դիւանատան պաշտօնեայք իրենց օրինաւոր պաշտօնավարութեան մասին պատասխանատու են Դիւանապետին։

Է. ԹԱՐԳՄԱՆ

Յօդ. 70. — Թարգմանը Տնօրէն ֆողովէն ընտրուելով իր պաշտօնը կը վարէ ընդ իշխանութեամբ Ս. Պատրիարքին եւ ընդ հսկողութեամբ Փոխանորդին՝ համաձայն հրահանգաց Տնօրէն ֆողովոյ։

Յօդ. 71. — Թարգմանը գործադիր է յարաբերութեանց ընդ Տեղական կառավարութեան, ընդ օտարազգի վանօրայս եւ պաշտօնեայս, եւ հսկող է բարեկարգութեան քրծազգեաց Միաբանից, Ուխտաւորաց և Երուսաղէմի Հայ ժողովրդոց և միանդամայն կ'ան-

դամակցի կառավարութեան իրարէի ժողովոյն՝ ՚ի դիմաց Ս. Պատրիարքի։

Յօդ. 72. — Տնօրէն ֆողովոյ մէջ ընդ Տեղական կառավարութեան և ընդ օտարազգի վանօրայս և պաշտօնեայս ըլլալիք ամեն յարաբերական Տնօրէնութիւնք թարգմանի ներկայութեամբ տեղի կունենան, եւ թարգմանի ձեռամբ ըլլալիք ելմտացոյցով նախատեսեալ ամեն յարաբերական ծախք ըստ հրահանգի Տնօրէն ֆողովոյ կը կատարուին։

Ը. ԿԱԼՈՒԱԾԱԿԱՆ ՄԱՍՆԱԽՈՒՄԲ

Յօդ. 73. — Կալուածական Մասնախումբը կը բաղկանայ չորս անդամներէ, որոց մին է օրուան Ելեւմտից Տեսուչը և միւսները կընտրուին Տնօրէն ֆողովէն, և ամենքը համարատու են նմա։

Կալուածական Մասնախումբի պաշտօնն է Ս. Երուսաղէմի մէջ գտնուած կալուածոց քարեւունիւնը և Ս. Երուսաղէմին գուրս գտնուածներուն տնտեսութեան Վերաբերութեալը։

Յօդ. 74. — Կալուածական Մասնախումբը վարձու կուտայ Ս. Երուսաղէմի մէջ գտնուած կալուածները, իւրաքանչիւր վարձակալի հետ Տնօրէն ֆողովոյ որոշման համաձայն եւ ըստ քաղաքական օրինաց պայմանագիր կնքելով և կը հսկէ հաստատեալ պայմաններու գործադրութեան, մասնաւոր նորոգութեանց և վարձքերու հաւաքման, որ կը կատարուի յատուկ պաշտօնեայի մը ձեռամբ իսկ գուրսերը նոյն գործերը կը կատարէ Տեսչաց և Գործակալաց միջոցաւ։

Յօդ. 75. — Ամեն նոր շինութեանց և կարեւոր նորոգութեանց համար կալուածական Մասնախումբը ըստ հրահանգի Տնօրէն ֆողովոյ կանխաւ յատակագծերը և նախահաշիւնները պատրաստել կուտայ արժանահա-

ւատ և մասնագիտ ճարտարապետներու՝ միշտ նուազութիւն դրութեամբ, եւ կը ներկայացնէ Տնօրէն ժողովը, որ կորոշէ և կարտօնէ գործադրութիւնը:

Յօդ. 76. — Կալուածածական Մասնախումբը կալուածոց վարձքերէն բնաւ ստակ չ'ալահեր իր քով, ընդունածը առ օրին կը յանձնէ Ելեւմտից Տեսչի հրամանաւ Գանձապետին:

Յօդ. 77. — Կալուածածական Մասնախումբը կունենայ յատուկ Տումար մը, որուն մէջ կարձանագրէ վարձատուութեանց, նորոգութեանց, շինութեանց և այլն մասին եղած տնօրէնութիւններն եւ ՚ի գործ գրուած միջոցներն:

Թ. ԹԱՆԳԱՐԱՆ

Յօդ. 78. — Ա. Աթոռոյ թանդարանը՝ ձեռագիր եւ տպեալ մատեաններով, հնագիտական նիւթերով եւ բնական պատմութեան, գիտութեան եւ գիշարուեաստից վերաբերեալ առարկաներով օժտեալ՝ հանդերձ իւր ընթերցարանով՝ Տնօրէն ժողովին ընտրուած թանդարանապետի մը տնօրէնութեան ներքեւ կը տնտեսուի Ազգին եւ Միաբանական Ուխտին օգտակար ըլլալու եղանակաւ, և Տնօրէն ժողովը կը հսկէ անոնց ըստ օրինի պահպանման և զարգացման:

Յօդ. 79. — Ա. Աթեն տեսակ գրեամց՝ ձեռագիր թէ տպագիր, ըստ որակին և ըստ քանակին մանրամասն արձանագրութեան տումարներ պիտի լինին և նոր ստացուածներն ըստ կարգին արձանագրուին: Մատենադարաննէն կամ Թանդարաննէն ձեռագիր և հնութիւն գուրս չեն ելներ կամ հեռու տեղեր չեն զրկուիր. փափագողը կրնան առ տեղեաւն հետազօտել:

Ժ. ՏՊԱՐԱՆ

Յօդ. 80. — Ա. Աթոռոյ Տպարանը՝ հանդերձ գրավա-

ճառութեան սենեկով, Տպարանապետի հսկողութեան յանձնուելով, Տնօրէն ժողովը կը հսկէ երկութիւն աւ կանոնաւորապէս, և Ազգին և Միաբանական Ուխտին բարոյապէս և նիւթապէս օգտակար ըլլալու կերպով տնտեսուելուն:

Յօդ. 81. — Սոյն սկզբամբ Տպարանապետը Տնօրէն ժողովոյ որոշմամբ և Ա. Պատրիարքի հրամանու կը տըպագրէ միայն այն գրքերը՝ որ կրօնից և Բարոյականի դէմ ոչինչ չեն պարունակեր, և որ՝ (եթէ գուրսէն ծախքերը վճարելով ապսպրուած չեն) դիւրամատչելի դնով կրնան չափաւոր ժամանակի մէջ ծախուիլ շահաւոր եղանակաւ:

ԺԱ. ՏՆՏԵՍԱԿԱՆ ՍՍՍՆԱԽՈՒՄԲ

Յօդ. 82. — Տնտեսական Մասնախումբը կը բազգանայ չորս անդամներէ, որոց մին է օրուան Ելեւմտից Տեսուչը, երկրորդը՝ Մատակարարը և միւս երկութիւն կընտրուին Տնօրէն ժողովին ու ամենքը պատասխանատու են նմա:

Յօդ. 83. — Տնտեսական Մասնախումբի պաշտօնն է՝ Ա. Միաբանութեան, Յուղակի, Բնթղեհէմի Վանուց և Ա. Յարութեան Տեսչութեանց տարեկան մեծաքանակ գնումները կառարել (յորեն, իւղ, պանիր, վառելիք և այլն պարէնք), ինչպէս նաև Եկեղեցեաց, Մոմատան, Հանդերձատան, Դպրոցաց, Տպարանի և Դեղարանի պիտոյքները (ձէթ, մեղրամոմ, չորեղէն, դեղ, թուղթ, կաչի և այլն) ժամանակին և պէտք եղած չափով առնել և ամբարել միշտ նուազուրդի դրութեամբ, միանդամայն հսկել որ իւրաքանչիւր պաշտօնեայ իւր պաշտօնը հաւատարմաբար և ըստ օրինի կատարէ:

Բ. Խոհանոցի, Սեղանատան, Մառանի, Փուռի,

Ցորենատան, Մոմատան, Հանդերձատան և Դեղաւրանի մաքրութեան և բարեկարգութեան հոգ տանիլ:

Գ. Ա. Աթոռոյ բոլոր Միաբան (Եկեղեցական եւ Քրծազգեաց) հիւանդ և ծեր անդամոց անխոտիր խնամք և դարման տանել:

Յօդ. 84. — Մատակարարը ինչպէս նաեւ բոլոր միւս Տեսուչները և պաշտօնեայք առանց Տնտեսական Մասնախումբի գիտութեան չեն կարող ոչ մի կարեւոր գնում ընել: Իր անմիջական հսկողութեան ենթարկեալ են Խոհարարները, Սեղանապետները, Հացադրուները և Սրճեփը:

Յօդ. 85. — Տնօրէն ժողովը 'ի պահանջել հարկին կրնայ Տնտեսական Մասնախումբի պաշտօնը յանձնել կալուածական Մասնախումբին:

ԺԲ. ՀԱՆԴԵՐՁԱՊԵՏ

Յօդ. 86. — Հանդերձապետը կընտրուի Տնօրէն ժողովն, և իւր պաշտօնն է՝ ընդ հսկողութեամբ Տնտեսական Մասնախումբի՝ Միաբանութեան տարեկան հագուստը ըստ որոշեալ տարազու եւ քանակութեան պատրաստել և Հանդերձարանի վերաբերեալ ամեն նիւթերը խնամքով և հոգատարութեամբ պահպանել:

Հանդերձապետը առանց Տնտեսական Մասնախումբի որոշման և հաւանութեան չէ կարող ո և է գնում ընել:

ԺԳ. ՄՈՄԱԳՈՐԾ ԵՒ ՄՈՄԱՎԱՃԱՌ

Յօդ. 87. — Մոմագործութիւնն եւ Մոմավաճառութիւնն Տնօրէն ժողովյ կողմէ մասնաւոր պաշտօնակալաց կը յանձնուին եւ Տնտեսական Մասնախումբի հսկողութեան ենթարկեալ են:

Մոմագործ եւ Մոմավաճառ պարբերաբար հաշիւ կը ներկայացնեն Ելւմուից Տեսչին:

ԺԴ. ԲԺԻՇԿ ԵՒ ԴԵՂԱԳՈՐԾ

Յօդ. 88. — Հիւանդ Միաբանից եւ Տեղացի աղքատ աղքայնոց այցելութեան հոգն ու խնամքը Տնօրէն ժողովոյ կողմէն Բժշկին և Դեղարանի տնտեսութիւնը՝ Դեղագործին կը յանձնուի ընդ հսկողութեամբ Տընտեսական Մասնախումբին, որ անոնց ճշգիւ և կանոնաւորապէս կատարուելուն կը հսկէ:

Բժշկի և դեղագործ կը վարուին Տնօրէն ժողովէն արուած մասնաւոր հրահանդաց համաձայն:

ԺԵ. ՊԱՏՐԻԱՐՔԱԿԱՆ ՓՈԽԱՆՈՐԴԻ Ի Կ. ՊՈԼԻՄ

Յօդ. 89. — Պատրիարքական Փոխանորդն Ա. Աթոռոյ ներկայացուցիչն է 'ի կ. Պոլիս, միջնորդ յարաբերութեանց ընդ Երկուս Աթոռու Պատրիարքականս, Տեսուչ կալուածոց եւ Գործադիր Պատրիարքական եւ Վարչական յանձնարարեալ Աթոռապատկան ամեն գործոց:

Յօդ. 90. — Պատրիարքական Փոխանորդն Ս. Պատրիարքի առաջարկութեամբ կընտրուի Տնօրէն ժողովէն, որմէ կընդունի իւր հրահանգներն եւ պատասխանատու է նմա:

ԺԶ. ՏԵՍՈՒԻՉՔ

Յօդ. 91. — Տեսուչները Ա. Աթոռոյ ներկայացուցիչներն են իրենց պաշտօնավարութեան յատկացեալ տեղեաց մէջ, եւ կը վարուին մասնաւոր հրահանդաց համեմատ, զրը Տնօրէն ժողովը կուտայ պաշտօնի կոչած ժամանակ, ըստ հաստատութեան Ս. Պատրիարքի:

Յօդ. 92. — Տեսուչներն, ինչպէս նաեւ Փոխանորդն

'ի կ. Պոլիս իրենց Տեսչութեան ենթարկեալ Միաբանից և Պաշտօնակալաց (Ժամարար, Սարկաւագ, Դպիր, Թարգման, Պահակ, Ճաղի և այլն) պաշտօնավարեթեան հսկող և պատասխանառու են առ Տնօրէն Ժողով:

Ժէ. ԳՈՐԾԱԿԱԼԻՔ ԵՒ ԳԱՆՉԱՊԵՏՔ

Յօդ. 93. - Այն տեղերը, ուր կարելի չէ Միաբանութենէն յատուկ Եկեղեցական Տեսչուներ դնել, պատուաւոր և վստահելի Ազգայիններէ բազկացեալ Գործակալ Մասնաժողովներ կը կարգուին որոշմամբ Տնօրէն Ժողովոյ, և Ս. Պատրիարքի հաստատութեան կոնդակաւ, նոյն վիճակին մէջ եղած Ս. Աթոռոյ կալրւածոց Տեսչութիւնն ընելու և իրենց յանձնաբարեալ ուրիշ Աթոռապատկան գործերը կատարելու համար:

Յօդ. 94. - Գանձապետք նոյնպէս կընտրուին Տնօրէն Ժողովէն և կը հաստատուին Ս. Պատրիարքի կոնդակաւ, և պաշտօն ունին իրենց գտնուած տեղոյն և վիճակին Եկեղեցեաց մէջ, յանուն Ս. Երուսաղէմի շրջագայած գանձանակներու արդիւնքն հասցնել 'ի Ս. Աթոռն, իրենց տրուած հրահանգաց համեմատ:

ԺԲ. ԱՅՑԵԼՈՒՔ ԵՒ ՆՈՒԻՐԱԿԻՔ

Յօդ. 95. - Այցելուք և նուիրակը մասնաւոր Պաշտօնակալը են որք կը զրկուին Ս. Աթոռոյ կողմէ առժամանակ պաշտօնը պէտք եղած տեղուանք, և կը վարուին ըստ հրահանգաց, զոր կընդունին Տնօրէն Ժողովէն պաշտօնի կոչուած ժամանակի:

Հրահագներն եւ իրենց յանձնուած ժապաւինեալ մատեանները Ս. Պատրիարքի վաւերացումը կը կըն:

ԳԼՈՒԽ Դ.

ՎԱՐՉԱԿԱՆ ԲՆԹԱՅՔ

Յօդ. 96. - ԱՄԵՆ պաշտօնական նամակ և խնդրագիր Ս. Պատրիարքին կուզուին, որ Դիւանատուն կը յանձնէ յարձանագրութիւն և ապա կը յդէ պատկանեալ Ժողովին 'ի տնօրէնութիւն. իսկ այն գրերը որք նախաքննութեան կը կարօտին, Ժողովին յղելէ առաջ կը յանձնէ պատկանեալ Դիւանատան Մարմնոյն կամ Պաշտօնէին միջոցաւ, 'ի նախաքննութիւն և 'ի տեղեկագրութիւն:

Յօդ. 97. - Թէ Միաբանական Ընդհանուր Ժողովոյ եւ թէ Տնօրէն Ժողովոյ որոշումները պարունակող գրութիւնք կսարագրուին Ս. Պատրիարքէն, միայն թէ Ընդհանուր Ժողովոյ պաշտօնագիրք պիտի կրեն նաեւ Դիւանի ստորագրութիւնն:

Յօդ. 98. - Ընդհանուր և Տնօրէն Ժողովոյ որոշումներն կը գործադրուին Ս. Պատրիարքի կողմէն համաձայն նոցա արձանագրութեանց և որոշմնագրոց: Եթէ Ս. Պատրիարքը Տնօրէն Ժողովոյ որոշման առաջարձէն գտնուի, Երկրորդ անգամ հրաւէր կը կարգայ Ժողովոյն միանգամ եւս խորհրդածել նոյն խնդրոյն վրայ և եթէ դարձեալ համայնառութիւն վայուաց, խնդիրը կը յանձնէ Միաբանական Ընդհանուր Ժողովոյն, և եթէ սորա որոշումն ալ չընդունի եւ չը գործադրէ, այն ատեն խնդիրն կը տեղեկագրուի առ Ազգային Երեսափոխանական Ժողովն, որուն որոշումն պարտաւոր է Ընդունիլ և գործադրել:



ԳԼՈՒԽ Ե·

ՎԵՐԱԲԵՆՆՈՒԹԻՒՆ

Յօդ. 99. — ՍՊՅԱԿ կանոնագիրը վերաքննելի է Ազգային երեսփոխանական ժողովով վաւերացման օրէն հաշուելով տասը տարի ետքը, և վերաքննութիւնը Միաբանական Ընդհանուր ժողովով կը կատարուի եւ 'ի ձեռն կեդրոնական Վարչութեան՝ Ազգային երեսփոխանական ժողովոյ կը մատուցուի 'ի վաւերացումն։

Յօդ. 100. — Մինչեւ վերաքննեալ կէտերուն Ազգային երեսփոխանական ժողովի կողմէ վաւերացումը, հին տրամադրութիւնք անփոփոխ 'ի գործադրութեան կը պահուին։





11

3091





3002